

ZAVRŠENI RADOWI NA UREĐENJU STEPENIŠTA U NASELJU OBARAK

Autor gorazde.ba

Petak, 14 Februar 2020 16:03



U sklopu Programa uređenja grada i prigradskih naselja, a u skladu sa Strategijom razvoja Grada Goražde, ovih dana završeni su radovi na izgradnji stepeništa u ulici Hasana Kikića u Mjesnoj zajednici Goražde IV.

Nosioc radova bila je goraždanska firma Kaja company, a ovim projektom izgrađene su stepenice u pomenutoj ulici, čija je ukupna vrijednost oko 30.000,00 KM, dok se u drugom dijelu projekta planira riješiti odvodnja površinskih voda.

Radove u pomenutoj u ulici posjetio je gradonačelnik Goražda dr.sci. Muhamed Ramović sa saradnicima, gdje je u razgovoru sa građanima istakao da će Gradska uprava, u skladu sa svojom dobrom praksom u prošlosti, pomoći realizaciju i drugih projekata na području mjesne zajednice Goražde IV, naglasivši kako Grad ima razumjevanja za potrebe u svim mjesnim zajednicama, te u skladu sa budžetskim mogućnostima nastoji implementirati prioritetne projekte.



Govoreći o izgradnji stepenica u ulici Hasana Kikića gradonačelnik dr.sci. Muhamed Ramović u

ZAVRŠENI RADOVI NA UREĐENJU STEPENIŠTA U NASELJU OBARAK

Autor gorazde.ba

Petak, 14 Februar 2020 16:03

izjavi za medije je istakao – "U sklopu Programa uređenja grada i prigradskih naselja koji je usvojen od strane Gradskog vijeća, a na osnovu prijedloga građana i Savjeta Mjesne zajednice Goražde IV, mi smo evo realizovali ovaj projekat. Smatram da je projekat potpuno opravdan obzirom da se radi o velikom naselju, a ovim stepeništem se olakšakala komunikacija građanima."



Da je za građane mjesne zajednice Goražde IV i naselja Obrak ovo veoma bitan projekat kazao je predsjednik Savjeta mjesne zajednice, Meho Dizdarević – "Radi se o projektu spajanja ulice Hasana Kikića i Murisa Živojevića ovim stepeništem. Nakon dugog insistiranja građana mi smo se odlučili da pokrenemo inicijativu da se grade ove stepenice iz razloga što ove stepenice skraćuje put pješacima za 1,8 kilometara prema ambulanti, sportskim terenima i tako se olakšalo građanima ovog naselja. U predhodnom periodu uradili smo stepenice od ulice Hasana Kikića do Žepske dva kraka i završili odvodnju površinskih voda i građani su prezahvalni Gradskoj upravi na razumjevanju i realizaciji ovih projekta. Imamo u planu još izvršiti odvodnju površinskih voda i spojiti u ulicu Enesa Turkovića koja je spojena sa M20 tako da ćemo dobrim dijelom riješiti i odvodnju površinskih voda, pored toga što smo riješili ovu pješačku stazu."

Ono što treba naglasiti jeste da se nastavljaju aktivnosti i u 2020. godini po pomenutom Programu, kao i po Programu održavanja putnih komunikacija od interesa za Grad Goražde, tako da nas očekuje niz aktivnosti.